



Advent 2023

Kjære kyrkjelyd!

(Kopi av dette brevet med giro bør givast til økonomiansvarleg i kyrkjelyden)

Vi håpar de tru mot tradisjonen kan leggje til rette for takkeoffer på julaftan til Kirkens Nødhjelp sitt arbeid for ei meir rettferdig verd. På den måten kan kyrkjelyden og norske kyrkjegjengarar praktisere ei grenselaus diakoni i høgtida.

Jula er ei tid for medmenneskelegheit og varme, samt refleksjon og ettertanke over året som har gått. 2023 var eit år med naturkatastrofar, og vi fekk verkeleg kjenne klimaendringane på kroppen. Sudan vart råka av krig, Libya opplevde ein enorm flaumkatastrofe, Afghanistan vart råka av jordskjelv og konflikten i Israel og Palestina eskalerte.

I starten av året vart Tyrkia og Syria råka av eit kraftig jordskjelv som tok livet av over 50.000 menneske og gjorde millionar heimlause. Takk vere innsamla middel frå fasteaksjonen og at vi har vore til stades i Syria i mange år kunne vi setje i gang ein respons for å hjelpe dei råka berre timer etter jordskjelvet.


I februar markerte vi at det var eitt år sidan krigen i Ukraina starta. Krigen har ikkje berre råka landa som er involverte, men også bidrege til inflasjon og høge priser på mat og drivstoff over heile verda. Og det er dei fattige landa som blir råka hardast.

«Eit barn er fødd i Betlehem», syng vi i jula og feirar barnet som vart fødd av Maria i ein stall. Betlehem hadde då allereie vore okkupert i to generasjoner. Saman jobbar vi kvar einaste dag for at barn som blir fødde i konfliktfylte eller fredelege omgjevnader, skal få ein god start på livet med ein trygg fødsel, gode helsetenester, reint vatn, god ernæring og tryggleik.

Det har alle barn rett til same kvar dei er fødde i verda. Den viktigaste gåva i jula, er den gåva Jesus ønskjer seg frå oss: «Det du gjorde mot ein av desse mine minste søskjen, har du gjort mot meg.» Juleoffer til Kirkens Nødhjelp sitt arbeid reddar liv og gjev fleire barn ei framtid. Takk for at de er med og gjev medmenneske håp.



Med ønske om ei velsigna advent og julehøgtid,

Dagfinn Høybråten,
generalsekretær i Kirkens Nødhjelp

PS: Vi håpar de vil henge opp vedlagde plakat på oppslagstavle, og at han vil inspirere til å gje gåver som forandrar verda.

Du finn nyttige advents- og juleressursar på www.kirkensnødhjelp.no/jul:

- **Adventsbøner på norsk og samisk, for kvar søndag i adventstiden.**
- **Preikenrefleksjon – ord til inspirasjon i andakt eller julegudstjeneste.**
- **“Tenn Lys”, med det 5. verset, sunge av Helene Bøksle.**
- **Bildete av arbeidet vårt - slides til bruk i gudsteneste, konsert, temakveld.**





KIRKENS NØDHJELP
actalliance

Til dei kyrkjelydene som har juleoffer til Kirkens Nødhjelp

Juleofferappell

Kirkens Nødhjelp tilhører kyrkjelydane, og det internasjonale diakonale arbeidet er vårt felles ansvar. Saman med Fasteaksjonen, utgjer juleofferet berebjelken i finansieringa av dette arbeidet, og er avgjerande for handlekrafta vår i møte med krisene i verda.

I tekstboksen nedanfor finn du offerappell til bruk i gudstenesta sine kunngjeringar eller andre arrangement. Les heile, eller berre siste avsnitt:

Kva ønskjer du deg til jul?

Vi ønskjer oss ei fredeleg verd.

Vi ønskjer oss ei lysare framtid for alle som opplever vald, krig og urett.

Vi ønskjer oss tilgang til reint vgn for dei 771 millionar menneska som manglar det.

Vi ønskjer oss at alle barn skal ha same moglegheiter og rettar same kvar dei blir fødde i verda.

Vi ønskjer oss ei meir rettferdig verd for alle som lever her i dag og for dei som kjem etter oss.

GJE DEN VIKTIGASTE JULEGÅVA I ÅR i takkofferet i dag, som går til arbeidet kyrkjelyden vår gjer saman med Kirkens Nødhjelp for å verkeleggjere Guds kjærleik i verda. Vi reddar liv og krev rettferd. Om du ikkje har med deg kontantar, kan du vippse gåva di til 2426 <ev. vippsen til kyrkjelyden>.



Innbetaling av juleofferet 2023

Belopet som kjem inn frå ofringa dykker, ønskjer vi å føre på dykkar kyrkjelyd. Vi bed dykk difor om å bruke KID-nummeret på giroblanketten nedanfor til å betale inn juleofferet. Vi set pris på at de betaler inn så snart de kan, slik at gåvene når raskast mogleg ut til dei som treng hjelpe mest. Ta kontakt på tlf. 22 09 27 00 om de har spørsmål knytte til innbetaling.

450 millionar barn lever i område med krig og konflikt. Kirkens Nødhjelp er no til stades i Ukraina, i Gaza/Palestina, i Sudan og andre stader i verda der barn blir fødde i bomberegn og angrep. Saman reddar vi liv og gjev barn ei framtid. Alle foto: Håvard Bjelland/Kirkens Nødhjelp

1594 22 87248

Kirkens Nødhjelp
Postboks 7100 St. Olavs plass
0130 Oslo

Juleoffer 2023

Vi ber om at denne giroen ikke brukes til andre innbetalinger enn årets juleoffer.



Kirkens Nødhjelp
Postboks 7100 St. Olavs plass
0130 Oslo

1594 22 87248